

nær 2000 dollurum og kyrkjueignin var metin eins og í fyrra á 35.000 dollara. Kvenfélag og Ungmennafélag gáfu skýrslur, sem sýndu góða starfsemi yfir árið. Kvenfélagið hafði nýlega lokið við að borga fyrir hljóðfæri í samkomusalinn, sem það réðist í að kaupa fyrir þremur árum og kostaði yfir 400 dollara. Ungmennafélagið hafði fjölgað meðlimum að mun á árinu og og gefið söfnuðinum ríflega peningaupphæð. Hjálparnefnd útbýtti nokkuð á annað hundrað dollurum til fátækra. Bein til-
lög safnaðarneðlima voru hærri á þessu ári en það hafa nokk-
urn tíma áður verið. Sextán nýjir meðlimir bættust við. Í safnaðarnefnd voru kosnir :

S. B. Brynjólfsson,
St. Pétursson,
Friðrik Sveinsson,
Ól. Pétursson,

J. B. Skaptason,
G. J. Goodmundsson, og
Kr. Stefánsson.

Á eftir fundinum var haldið samsæti, sem Kvenfélagið stóð fyrir. Fór það mjög vel fram og héldu þessir menn ræður yfir borðum. S. B. Brynjólfsson, séra Guðm. Árnason, séra Rögnv. Pétursson, Arinbj. S. Bardal, Sigfús J. Sigfússon, Árni Sveinsson og Þorst. Björnsson.

Úr ýmsum áttum.

Sú sorg, rfregn barst hinum mentaða heimi fyrir skömmu að suðurheimskautsfarinn enski, Scott, hefði farist með öllum förunautum sínum á leiðinni til baka frá suðurheimskautinu. Takmarki ferðar sinnar hafði hann náð mánuði eftir að Norð-
maðurinn Hróaldur Amundsen fann skautið fyrstur manna. Sem við er að búast, eru þeir Scott og félagar hans harmaðir mjög, bæði á Englandi og annarstaðar. Samskot voru strax byrjuð til að sjá ekkjum þeirra og börnum fyrir lífeyri.